

25



C A N T I C
 VAR AR BLASFÊMOU.

Var ton : *S. Pêr*, pe *Cloarec Plunet*.

ESTONET ê va c'halon, ar bleo a sev em pen,
 Me sonch din ne zon pelloc'h e bro ar gristenien,
 Troublet e zê gant horeur ar mel eus va esqern;
 Me a gred e zon aru en qichen an ifern.

Langach commun ar vro-màn eo al leodouet,
 Dre bere ec'h ataqer nep an neus hon c'hrouet;
 Ne glêvomp bemde nemet execrationou,
 Blasfê mou an horupla, imprecationou.

Tri vrang a neus ar viç-mâ : ar c'henta aneze
A choq an Otrou-Doue, a vless e Vajeste;
 D'an eil an Touer-Doue en em laz e-unan,
 Dre an drede e souhet mil mallos d'an nissan.

Malic ar blasfêmatour a ya betec an ên;
M'en deffe ar buissanç e tistruchfe Doue :

E deod a zo ur sabron en ifern lerimet,
Evit laqat a beziou hon Zalver beniguet.

Ar blasfêmatour a dle bea comparajet
Evit é gonfusion ous eur c'hi arrajet,
Penini en e furor en em string da guenta
Var e vestr d'en devori ma na el harz ounta.

Goas ê ar blasfêmatour evit ar re daonet,
Pere, a fonç an ifern, a zislong bep momet
Mil mallos ha mil blasfêm a enep o c'hrouer,
A garfe en distruja, ma ve en o fouer.

Ar pez a alum ounta o haz hac o maliç,
Ê ma tiscarg varneze oll rigor e justiç;
Mes an Touer malheurus a choç e vajeste,
Pa recev e faveuriou gant liberalite.

Pez mepris evit Doue d'en qemeret da dest!
Evit goaranti eur gaou e vezo galvet prest.
Difennet en eus ousimp, dre an eil gourc'hemen,
Da prononci e hano, na d'en touet en ven.

Me gred on arru are en toues ar Judevien,
Pere a eur voues commun gant furor hac anqen,
A c'houlennas ous Pilat condaoni o Roue,
Pa glevan ar gristenien o touet maro Doue.

3

C'hoas e clevan gant eston cals a dud alies
 O renonci da Zoue, en qær ha var ar mæs ;
 Rei a reont d'an diaoul var Doue preferanç :
 Pebez mepris da Zoue ha pebes dismeganç !

Pêr a renonç da Jesus, ebqen a ben teir gues,
 En ti ar Pontif Caïphas, gant aon rac ur vates ;
 Neuse zon e sortias da voela e bec'het,
 Ha pelloc'h e zaoulagad nin qet bet disec'het.

Te, blasfémateur impi, e teus bet renoncet
 Mil ha mil gouech da Jesus, eb na so sortiet
 Biscoas un daqen daërou demeus da zaoulagad ;
 Ret è e ve da galon insansibl hac ingrat.

D'an eil, an Touer-Doue so dean e-unan
 Un tirant hac un bourreo, demeus ar c'hruela ;
 Dont a ra da exerci, ep caout truez ebet,
 Var e gorf, var e ene, ar brassa crueldet.

Mar be tam contrariet, e clever anea
 O hervel neuse souden an tanfouelt d'en grilla,
 Armi a ra e enep an oll elemanchou,
 Souheti a ra d'e gorf ar brassa tourmanchou

Souheti a ra d'e gorf supliçou temporel,
 Ha d'e ene e souhet supliçou eternal ;
 E varn a ra gant rigor, ne glasq qet e espern ;

4

Goul a ra ma vo daonet e creis punç an ifern.

Barner cruel hac injust, ne da qet re vuan ;
Qent condaoni da ene , laqa da vis en tan ,
Ne oufes qet en lezel ebars un heur ebqen :
Penos e hilli padout en ifern birviqen ?

Un dra pini am eston eo an dallidiguez
Demeus an Touer-Doue , pa zaon e ene qez ;
Rac ne glasq en e bec'het profit na plijadur ,
N'er gra nemet dre arrach ha dre eur valiç pur.

Attira ra varneàn malheuriou eternal ,
Quspen a aru gantàn goel golliou temporel ;
Rac ar Scritur a lavar , na vo james e di
Hep santout abers Doue ar voalen a gasti.

Mes hoarvout a ra gantàn vel gant a re daonet,
Nonobstant oll boaniou, nenen amandont qet.
Quercouls an Toner-Doue a chomo obstinet ;
Biqen mechant evit poan na guita e behet.

An obstineta peher a so ebars er bed
Pa êru gantàn ar maro a guita e behet ,
Ar mevier , an impudiq , ar muntre , ar forban ,
Na goutinuint qet ato ar sort viçou en tân.

Mes ar malheürussa eo an Touer Doue ,
A rei goude e varo evel en e vue ,

5

Hennes a gontinuo , pa vezo er bed all ,
Enpad an eternite e langach ordinal.

An Touer-Doue eta en em laz e-unan ;
Mes entuont ar re-all a so goas anean ;
Rac dre e leodouet e hatir var e vro ,
Coler Doue , e venjanç , ha cals a valheurjou.

Pa voa guechal sant Rober Roue demeus
a Franç

O pedi an Otrou-Doue er gær a Orleanç ,
Da zistrei divar ar bopl eus e Rouantelez ,
An diou voalen a gasti , ar brezel , ar g'ernez.

Ec'h apparissas dean Jesus en e beden ,
Hac a lavaras dean ne alje birviqen
Bea exocet gantan , na cayet e houlen ,
Qeit a ma soufrje en Franç ar blasfêmatourien.

Qerqent m'en doe ar Roue clêvet comzou
Jesus

E eure prest publia un arret rigourus ,
Dre bini ec'h ordren ma vije bet toullet
Teod ar blasfêmatourien gant un ouarn goret.

Ma rafe ar varnerien o harg erve Doue ,
E rafent executi ordrenanç ar Roue ,
Pehini a fell dean ma vezo grêt ur squer

Deus an Touer-Doue, dre ur supplic ponner.

Enfin, an Touer-Doue, dre e voal pedennou,
A dransgres en e goler ar sacra lezennou.

Manqout a ra d'e Zoue, souheti d'e nessa
An horrupla malheuriou da goea varnea.

Mar deus grêt dean ur c'holl, un domach,
arrogur proces,

Cresqet e bars en taillou, bet den ous en laères,
Neuse e pedo gantan mil malediction,
An diaoul hac ar gonnar da grignat e galon.

Pa ra an Touer-Doue e bedennou euzus
A enep e adversour, d'en renta malheurus,
An tol en deus avizet a retorn varnea,
Hep ober drouc d'eguile, e teu d'en em laza.

Eur vam, elec'h corrijgant rêson e buguel,
A deu dre amportamaent, eb rêson da c'hervel
An diaoul d'en cass gantan. Perac, mam dinatur,
E res-te ur sort souhet d'ar paour qes crouadur.

An tadou hac ar mamou so Touerrien-Doue,
A zisqo d'o bugale al langach-se ive;
Mes qent evit finissa, selaouit un histoar
Pehini so rapportet en scrijou Sant Gregoar.

An diaoul a anlevas a dre divrac'h e dad

7

Ur buguelic a bemp bla (sellit en pe sort oad!)
 Pini a rê blasfemon goude bea disqet
 'Gant e dad ha gant e vam c'hoas n'enem amand
 qet.

Banissomp-ta d'an ifern an oll leodouet,
 Evit meuli da vigen nep a neus or c'hrouet;
 Evit goude m'or bezom meulet var an douar,
 Mor bezo an avantach d'en meuli en c'hloar.

EN ENOR SANT PÊR,

PRINÇ AN EBESTEL.

Var ton : *Me oc'h ador, va Jesus, etc.*

Otrou Sant Pêr benignet Abostol eürus,
 C'houi a so bet an discipl ha mignon ha Jesus,
 Intercedit evidomp, ni ho ped a galon;
 N'oufac'h qet ou refusi, rac c'houi so hor patron.

Ni so pec'herien ingrat, pec'herien obstinet,
 Memes da gomzou Doue ealonou caledet;
 Hon c'houstianç so carguet a pe sort pec'hejou,

8

Rac-se ez omp afflijet gant pep sort miseriou.

C'houi oc'h eus grêt pinijen da vea renonçet
Jesus hon Mestr, hon Hrouer, hon Salver
beniguet

Roit ive d'ou daoulagat eur sourcen a zaerou,
Da voela ba detesti da james hon c'hrimou.

C'houi a so en deliçou, c'houi a so curunet
Assambles gant an oll Zent ha gant an oll Ælez;
C'houi a so brema contant, c'houi a so eürus,
O velet, o contempli hac o meuli Jesus!

Ni a renonç d'ar pec'het, ni a rai pinijen,
D'ar bed ha d'e vaximou ni a renonç a gren;
Intercedit evidomp, ma vezimp en repos
O velet ive Jesus e creis ar barados.

FIN.

E Montroulez, eus a Imprimeri LÉDAN.